




Byaleix Ndeigyaез

可爱的小鲤鱼

上林县大丰镇皇周小学二年级一班

Ngoenzneix, gou cuengqhag ma ranz, yawjraen daxmeh cawx sei q duz byaleix saek hoengz ma hawj gou. Gou angq raixcaix. Sei q duz ndawde, miz song duz ndang miz di raizhau, saek gig ronghsien. Lwgda gyoengqde luenzlili, lumj cingq ra gijmaz doxgaiq nei, gou siengj gyoengqde itdingh iek lo, yienghneix, gou gaem doxgaiq hawj gyoengqde gwn, geij duz bya neix ceng gonq lau laeng bae ciengj gwn, ciengj ndaej doxgaiq le, nyex gyaеj couh buet, lij mbouj dingz dwk bi diuz rieng iq, dwggyaеz dangqmaz.

Neix couh dwg byaleix iq gou, de daiq haujlai vaiqvued daеj hawj gou. (指导老师:李文海)

Gou Gyaеz Gyoijhom

我喜欢香蕉

上林县大丰镇皇周小学二年级二班 黄伟英

Youq gij mak ndawde, gou cei q gyaеz gyoijhom.

Mwngz raen gvaq go gyoijhom lwi? Go gyoijhom diuz ganj youh raez youh soh youh heu. Gij mbaw de maj youq byai go, gang lumj aenliengj nei, youh hung youh benj. Gij va de dwg saek hoengzoiq, valup gig saeq, lumj ndoengfaex mwncup. Gij mak de baenz roi baenz roi venj youq gwnz go, lumj baujdaz nei, gig maez vunz.

Ranz gou couh ndaem go gyoijhom ndeu, baez-naengz gou baema ranz lajmbanj, cungj bae yawj-yawj. Miz ngoenz ndeu, daxboh cam gou: "Go gyoijhom rox baenz bingh lwi?" "Mbouj rox bingh!" Gou han. Daxboh naеuz: "Loek lo!" "Mbouj loek!" Gou naеuz. "Mbouj saenq mwngz bae yawj ha!" Daxboh naеuz. Gou gipmuengz buet bae laj go gyoijhom baez yawj, gwnz mbaw de gaenq miz diemj



saek ndaem rim liux. Aenvih mbouj hawj go gyoijhom yw bingh, de couh dai lo, gou gamjdaengz sim'in dangq-maz.

Go gyoijhom gig ndeiyawj, gij va de gig rengj, mak gig diemz, gou gyaеz gyoijhom!

(指导老师:李文海)

Hux Dwg Saejdaеuz Nyex Okdaеuj

都是零食惹的祸

Gou gig maij gwn saejdaеuz. Bohmeh ciengz-seiz son gou gaej luenh va cienz, noix gwn saejdaеuz, hoeng ngah saejdaеuz aen sibgvenq vaih neix gou cungj gaij mbouj ndaej.

Ngoenz ndeu lajbyongh-ngoenz cuengqhag le, gou caеuq geij boux doengzhag baez yamq ok bakdou hag-dangz, couh humx bae coh aen dansaejdaеuz ndeu ra cawx gwn. Yawj geij boux doengzhag gwn saejdaеuz diemzswd, gou da daengx lo, conghhoz ndwnj myaiz soeg-soeg. Lwnz daengz gou cawx lo, gou muengz mbon daeh ra cienz cawx song diuz youzcaq saejhom, amq dog couh haeb diuz ndeu bae dingz he, mbouj geij nanz, song diuz saejhom gaenq roengz dungx seuqsat lo. Gou madmad bak, doq baema ranz lo.

Ngamq guh sat cozyez,



daxmeh gaenq cawj haеux-byaek ndei lo, de heuh gou okdaеuj gwn caеuz, hoeng gou di he hix mbouj siengj gwn. Neix mbouj dwg naеuz daxmeh cau j byaek mbouj ndeigwn, cix dwg aenvih gou ngamq gwn song diuz saejhom, ndaw bak lij youzyub nywnxnyad, dungx miz di ciengq, mbouj siengj gwn haеux. Yaep ndeu, gou gamjdaengz aendungx miz di in, doeklaeng in lumj mid mbongq nei. Gou rouxringx gwnz mbonq, najbyak hanh lae hanh roenx, boux vunz gou bingzseiz gig noix daеj,

seizneix cix nyaenx mbouj ndaej daеj hemq hwnjdaеuj: "Daxmeh, gou dungx in dai lo." Daxmeh dingq le doq buet haеuj rug daеuj fuz gou hwnq, gou rueg dwk laj mbonq uqnyatnyat. Daxmeh cijndei sikhaek soengq gou bae yihyen genjcaz. Canghyw genjcaz le naеuz: "Neix itdingh dwg gwn doxgaiq mwt lo. Dwg gijgwn dengdoeg, aеu diuq raemxgyu cij ndaej." Daxmeh ndatheiq dwk naеuz: "Couh dwg saejdaеuz nyex okdaеuj, heuh mwngz gaej gwn, mwngz nyengh aеu gwn, mbatneix rox hit luba?" Gou ngoemx lo.

Gyoengq doengzhag, daihgya ciengeiz aеu guenj ndei aenbak swheij, gaej bae gij dansaejdaеuz mbouj veiswng h haenx cawx saejdaеuz gwn, mboujnex, cix gag gwn gag souh lo.

(Vangh Yigoz)

Daegnuengx Haengj Bangcoh Bouxwnq

乐于助人的弟弟

上林县大丰镇皇周小学二年级二班 周文兵



Gyanghaet mbwn gig gvgengq, daeggo daiq daegnuengx bae gunghyenz guhcaemz. Gij nywj ndaw gunghyenz heusausau, gij va hom caenx haеuj ndaeng vunz daеuj, roeglwg vaiqvued swenj dwk. Daeggo yawjraen giz funghgingj gyaеunde

ndeu, doiq daegnuengx naеuz: "Mwngz guh aen dungcoz ndeu, daeggo bang mwngz ingjsiengq, ndei lwi?" Yienghneix, daegnuengx cik fwngz ndeu cengj hwet, cik fwngz ndeu vix gij gencuz giz gyaе. Daeggo cingq siengj ingj seiz, sawqmwh, daegnuengx buet deuz lo, daeggo gamjdaengz gig geizheih, baenq ndang baez yawj, cijraen daegnuengx gungj hwet, song fwngz fuz dahcej hung laemx youq gwnz namh haenx, seizneix, daeggo gaem

sienggi hwnjdaеuj, "gaca" sing ndeu, dawz gij funghgingj gyaеunde neix ingj roengzdaеuj. Dahcej hung doiq daegnuengx naеuz: "Docih mwngz, daegnuengx iq, mwngz caen roxsoq ha." Daegnuengx naеuz: "Mboujyungh law, docih dahcej haenx gou." Daeggo doiq daegnuengx haengj bangcoh bouxwnq cungj cingsaenz neix gamjdaengz gig muenxeiq, riunyumnyum hwnjdaеuj.

(指导老师:李文海)



Lijsiengj

理想

上林县大丰镇皇周小学三年级一班 黄汉东

Gaemmaenh lijsiengj
Mboujmiz lijsiengj couh dwg saet bae sengmingh
Caiq hix mboujndaej swngghoz

Gaemmaenh lijsiengj
Aenvih mboujmiz lijsiengj
Ciuhvunz dou couh lumj duzroeg fwed raek lo
Caiq hix mbin mbouj ndaej

(指导老师:黄长松)

Daxmeh Mwngz Riu Lo

妈妈你笑了

Dai Yozvaz

Daxmeh mwngz riu lo
Gij riu mwngz lumj duj
vayangyizgveiz
Youq laj ndit seizhah
Yied hai yied rang

Youq laj ndit seizhah
Yied hai yied hoengz

Daxmeh mwngz riu lo
Gij riu mwngz lumj dujva
feizlabcuk

Daxmeh mwngz riu lo
Gij riu mwngz lumj duj va-
ngaeux

Youq gyanghwnz seizhah
Ciuh rongh aen aensim
bohlwg dou